


善見毘婆沙律

才四

三百四十七
伯四

8

50203



2

善見毗婆沙律卷第四

蕭齊外國沙門僧伽跋陀羅譯

伯

尔時塔園中摩哞陀與比丘一千人俱數摩
哞陀坐具南向坐又數大德阿栗叔北向坐
大德摩哞陀請阿栗叔為法師阿栗叔仍依
往昔大德優波離無異摩哞陀與大僧六十
八人圍遶法座王弟比丘名末多婆耶與五
百比丘俱欲學律藏悉圍遶阿栗叔高座餘
諸比丘與王各次第而坐於是大德阿栗叔



Vertical text on the right margin, possibly bleed-through or a secondary title, including characters like '善見' and '律'.

即便為說。爾時佛住毗蘭若那憐羅賓洲曼
陀羅樹下說律序說。已於虛空中天大叫稱
善哉善哉。非時而雷電霹靂地。即大動種種
神變。於是六德阿栗叔及摩哂陀與愛盡六
十八人俱復有六万比丘圍遶於塔園寺中
說如來功德。如來哀愍眾生三業不善。是故
說毗尼藏以制伏身口意業。如來在世為聲
聞弟子說律藏。竟然後入無餘涅槃。爾時如
中而說偈言

一切別眾住

大德六十八

共知律藏事

法王聲聞眾

愛盡得自在

神通三達智

以無上智慧

教化師子王

光照師子國

周徧無不覩。譬以大火聚。薪盡入涅槃。諸大德涅槃後。諸弟子眷屬名帝須達多迦。羅須末那毗伽修摩那。此是大德阿栗叔弟子。如是師師相承展轉至今。是故第三集衆中。而問誰將律藏。至師子國。答是摩哞陀。摩哞陀之後。阿栗叔阿栗叔弟子。如是次第受持。譬如白琉璃器盛水。內外明徹。水無漏落。諸大德持律藏亦復如是。乃至于今。若人有信心。恒生慙愧。好學戒律者。佛法得久住。是故人欲得佛法。久住先學毗尼藏。何以故。有饒益行者。故何謂饒益。若善男子。好心出家。律藏即是父母。何以故。與其出家。今得具

足教學威儀依止律藏自身持戒能斷他疑
若入僧中無所畏懼若有犯罪依律結判令
法久住諸法師言佛語比丘若受持此律有
五事利何謂為五一者自能持戒二者能斷
他疑三者入僧無畏四者建立佛法五者令
法久住佛說持律人即是功德根因根故攝

伯四卷

頌諸法法師曰佛說戒律為欲止惡因止惡
故生不悔心因不悔心故得生歡喜因歡喜
故得生安樂因安樂故得生三昧因三昧故
得生慧眼因生慧眼故而生厭污因厭污故
而得離欲因離欲故而生度脫因度脫故得
度脫智因度脫智次第得入涅槃為欲言故

為欲說故為依止故為欲聞故如是次第心
得度脫智是故殷勤當學毗尼此是毗尼處
說根本法師曰而說偈言

若人時何故受持

若人將耶若處住

已說此次第今說

此是偈義今當說律外序也

尔時為初義非一種我今當演毗尼義是故
律中說尔時佛住毗蘭若初義者尔時尊者
舍利弗從三昧起請佛結戒是時佛住毗蘭
若尔時者發起義是時者即說其事何以故
如律所說尔時須提那與故二作不淨故是
時佛因須提那故為聲聞結戒此是初義尔

時檀尼咤比丘偷王材是時佛於王舍城結
戒亦如是。今時者亦是發起義亦是因義佛
婆伽婆後當解住者行立坐卧毗蘭若者是
國名那隣羅者即夜又名因夜又鬼依此樹
故而号之賓洲蔓陀羅者此是練木樹也樹
下者日當中蔭所覆處是也又言無風時葉
落墮地處是問曰如來何以在此樹下住伯答
曰此樹鬱茂林中第一去城不遠往來便易巽
問曰如來住毗蘭若復言住在樹下如來不
應二處住答言勿作此難毗蘭若者往來處
也樹下者即是住處問曰優波離何以說毗
蘭若答曰哀愍白衣故問曰何以樹下住答

曰爲諸弟子順出家法除貪欲故問曰何以
依近於國荅曰爲四大故問曰前句者爲說
法故後句者如來欲入靜故前句者慈悲所
牽後句者從苦入樂故前句者爲安樂衆生
故後句者自安樂身故前句者布施法與衆
生故後句者自除聖利滿足前句者爲衆生
作橋梁故後句者爲諸天人故前句者同衆生
故後句者不與衆生同故前句者唯佛一人
三界獨尊衆生因佛故得大安樂是謂爲一
後句者因佛坐在林中樂樹下故法師曰此
義甚廣我今略說與大比丘僧俱者大者因
小有大故所以比丘僧功德極大者爲大復

有大義最小者得須陀洹道故復有大義五百大衆集故僧者等戒等見等智等衆是爲僧也俱者共在一處五百比丘者五百數也毗蘭若婆羅門者生於毗蘭若國內國号之婆羅門者淨行也又復婆羅者知外道圍陀書門者聞也佛經言婆羅門者能除煩惱門者聽也聲徹於耳因他語故而知法沙門瞿曇者滅惡法也瞿曇者婆羅門以姓嚙故釋迦種子者釋迦種者指示大姓離釋種出家此是演發心信樂出家也或有負債出家或有失國出家或有貧窮出家或有避王使出家如來不如此出家如是好名聞者如是足

句也好者與衆善會復言最上名聞者讚歎
受名又言令他知之婆伽者此是初如來十
号今衆生信心於佛是故法師演出如來功
德阿羅漢者是三界車輻漢者打壞三界車輻
所以如來打壞三界車輻故名阿羅漢也又
言阿羅漢者殺賊所以如來殺煩惱賊故名
阿羅漢伯又言阿羅者一切惡業漢者遠住三四卷
界為車無明愛緣行者為輻老死者為輞受
生者為轂諸煩惱者為軸無始世界流轉不
住佛於菩提樹下以戒為平地以精進為脚
足至心為手智慧為斧斫斷三界車輻又言
無始世界者為車無明為轂老死為輞十惡

爲輻何以故不知苦法若生欲界因無明故
造作三業若生色界造作色界業若生無色
界造作無色界業於欲界中緣無明故受識
色界中亦亦於無色界中無明緣也又於欲
界中名色欲界中六入緣無明欲界中名色
色界中三入緣於無色界中無明色界中一
入緣於欲界中六入欲界中六觸緣於色界
中三入色界中三觸緣於無色界中一入無
色界中一受緣於欲界中六觸欲界六樂緣
於色界中三觸色界中三樂緣於無色中一
觸無色中一樂緣於欲界中六樂欲界六樂
者生六愛緣於色界中三樂色界中三愛緣

於無色界中一樂無色界中一愛緣處處愛
生於生中若人於五欲中我欲行欲自愛欲
故身口意不善行具足者即入地獄於地獄
中因業故受生受生此是業生也因業生五
陰次五陰老老者熟壞五陰者謂之死也於
三界中我欲於天上行欲起立善行或忍辱
因善行故得生天上此是因善業故而復生
有一人我欲受梵天樂因緣受故憶念四法
何謂爲四慈悲喜捨心憶已具足得生梵天
於梵天中生因業故此是業生復有一人我
欲生無色界我次生非想非想天恒自入
禪思惟即生此處此是因業得生餘者次第

汝自當知過去當來二世皆從無明緣行我
今略說餘汝自廣說無明緣行此是一品六
識名色六入六觸六樂此是一品愛取生此
是一品有老死此是一品前品者過去世也
中二品者現在世後品者老死此是當來世
也取無明緣行者連縛愛受此縛不相離此
五法過去世也中品六入爲初此是果報若
取愛受者連縛無明此五法今業生也有老
死者一切五法餘者六識爲初後悉入此是
當來世生若分別說者有二十四種緣行六
識此二者中間爲一品受愛於二中間爲一
品生有者於二中間爲一品合有三品四段

因品故生二十種本起因緣如來已具觀度
真實知故以真實智名爲實知見者何謂爲
見見者達故名爲見也觀者何謂爲觀遍知
一切故名爲觀以知觀見度如來真實知已
生厭患想便生離心欲得度脫先壞三界車
輻故名爲阿羅漢又羅漢名者是應供問曰
何謂名爲應供受人天供養故名爲應供昔
有梵王以寶大如須弥供養如來是故名爲
應供尔時世間大王瓶沙王拘沙羅王等復
種種供養是名應供佛涅槃後閻浮利大王
名阿育復以金錢九十六億起八万四千寶
塔復大種種布施是名應供餘諸大衆供養

者不可稱計又言阿羅漢者羅漢者覆藏我
阿者無也名無覆藏何謂無覆藏譬如世人
作罪恒自覆藏如來於中永無故名無覆藏
三藐三佛隨者若知一切法故名三藐三佛
隨言佛隨者法應知而知應棄者而棄應出
者而出是名佛隨又言佛隨復有別義何者
以慧眼白若見四卷苦諦集諦滅諦道諦次第明見
是佛隨也色聲香味觸法眼識耳識鼻識舌
識身識意識眼觸耳觸鼻觸舌觸身觸意觸
眼記耳記鼻記舌記身記意記眼念耳念鼻
念舌念身念意念眼愛耳愛鼻愛舌愛身愛
意愛眼思耳思鼻思舌思身思意思五陰十

觀法十思十念腫脹爲初如是有十段爲初
有三十二入十八界欲生爲初九四禪爲
初慈爲初復有四無色禪有四無色三昧有
四十二因緣逆觀老死憂悲乃至無明次第
觀乃至老病死苦惱老病者苦諦有者集諦
從二者出名滅諦知方便滅名爲道諦如來
一一善知一切是名三藐三佛隨知者三知
亦有八知於三界經中說有八知汝自當知
復次菴羅樹經三昧知神通知六通合爲八
知行足者或覆藏六識飲食知足省於睡眠
七正法四禪此是十五法自當知如來以法
行是故名明行足如來以此法行至涅槃是

名明行足不但如來聲聞亦然如來以知行而足故名明行足以知相故如來得一切智以行故名爲大慈悲一切衆生惟集苦惱如來悉知以大慈悲故知衆生苦惱而能善說令捨苦就樂故故名善逝是故聲聞善逝而行善逝非惡善逝又言行至善處是名善逝又行步平正威儀具足無缺亦名善逝又往當住不復更還名爲善逝以阿羅漢道不及名爲善逝自從定光佛受記哀愍衆生今得安樂乃至菩提樹下善行如此是名善逝不從斷見不從常見身離疲苦不從斷常名爲善逝爲一切衆生說法無不應時名爲善逝衆

伯

四卷

七

生不樂而不說樂者而說是名善逝所說者
皆是真實義非虛妄義又一切衆生聞之悉
令歡喜是名善逝又不說無義語所說者皆
是有義利益是名善逝世間解者知一切世
間法名爲世間解以集諦故以滅諦故以滅
諦方便故解世間故是名世間解如經所說
亦不生不老不死不墮不住處我不用行至
世間彼岸是名世間解佛語諸比丘我未至
世間極我不說苦盡佛語諸比丘此身一等
稱爲沙門世間集諦世間滅諦世間苦諦方
便我不用行而至未至從苦而出無有是處
又世間者有三何謂爲三一者行世間二者

衆生世間三者處世間問曰何謂行世間答
曰一切衆生從飲食生是爲行世間何謂衆
生世間答曰常世間無常世間是爲衆生世
間何謂處世間以偈答曰

日月飛騰照千世間 光明無比無所障礙
此是處世間又言一世間二世間三世間四
世間五世間六世間七世間八世間九世間
十世間如是乃至十八世間問曰何謂爲一
世間答曰一切衆生以飲食得生是名一世
間何謂爲二世間答名色是爲二世間何謂
三世間答曰苦樂不苦不樂是爲三世間何
謂四世間答四食是爲四世間何謂五世間

荅曰五陰何謂六世間荅曰六八何謂七世
間荅曰七識何謂八世間荅曰八世間法何
謂九世間荅曰九衆生居何謂十世間荅曰
有十入何謂十二世間荅曰十二入何謂十
八世間荅曰十八界此是行世間如來以一
一知名為世間解衆生煩惱如來亦解行亦
解意亦解伯小煩惱四卷大煩惱亦解利識亦解地
識亦解善緣亦解惡緣亦解應今知亦解不
應令知亦解生不生亦解是名衆生世間靡
所不知是為世間解處世間者問曰何謂處
世間荅曰鐵圍山縱廣二万三千四百五十
由旬周迴三十七万三千五百五十由旬地厚四

那由他二万由旬在水上水厚八那由他四
万由旬在風上風厚六十九万由旬是處世
間界又須弥山根入海八万四千由旬須弥
山王高亦如是以七寶纏有七山圍遶之而
說偈言

由捷陀羅伊沙陀羅 迦羅毗拘須陀蘇那
尼民陀羅毗那多迦 阿沙干那是七大山
圍遶須弥四天王住 天夜叉住高百由旬
雪聚大山廣千由旬 縱廣正等頂有八万
復餘四千以嚴飾之 有閻浮樹高二千里
圍二百里枝布方圓 覆百由旬因此樹故
名閻浮地大鐵圍山 根入大海深下八万

二千由旬高亦如是常住不壞都繞世間
月衆星王方圓四七有九由旬日王方圓
五十由旬

又天帝釋宮縱廣万由旬阿脩羅宮亦復如
是阿鼻地獄亦如是閻浮利地亦尔西拘耶
尼縱廣七千由旬東弗于逮亦復如是比鬱

單越縱廣八千由旬伯一四卷一九洲各有五百小洲

圍遶此是鐵圍山之内鐵圍之外中間悉是
地獄鐵圍無量世界亦無量所以佛以無量
慧明遍知一切故名爲世間解無上士者自
以功德過於人天故名無上士以戒定慧解
脫解脫知見具足故名無上士是故無上與

無上等佛語諸比丘我不見梵魔沙門婆羅
門世間戒定慧解有能及佛者又無我師故
名無上調御丈夫者有應調者輒而調之何
以故譬如象馬慵悞加之杖捶然後調伏如
來亦復如是能調伏一切衆生故名調御昔
佛降伏畜生龍王丈夫名阿波羅留又象夫
夫又名純杵魔朽陁陁阿耆死駝偷魔死駝
死駝陁那如是諸丈夫佛以善法調伏令入
正法授三歸五戒人丈夫名尼捷陁子闍跋
又婆羅門卜軻羅婆央掘魔羅等如是無數
復有夜叉丈夫名阿羅婆迦修至涌魔軻羅
諸夜叉丈夫釋提桓因等如是無數天人以

正法調伏之於修多羅說佛語寄須漢言牧
象人我調御丈夫以柔法教一切衆生若其
不受者當以強法教之若不受者復當以剛
柔教之若不受者便不與和合法師曰此修
多羅當如法廣說故名無上調御丈夫天人
師師者亦如估客有一宗主善知險難問曰
何謂爲難一者賊難二者虎狼師子難三者
飢儉難四者無水難宗主於諸難中皆令得
度到安樂處故名爲師如來亦復如是何以
故如來能度衆生令過險難何謂爲險難一
者生難二者病難三者老難四者死難如是
諸難如來能度脫令得安樂處故名爲師問

曰佛何以獨爲天人師不爲畜生師耶昔如
來在世亦爲畜生說法何以獨稱爲天人師
修多羅經說今時佛在瞻婆國於迦羅池邊
爲瞻婆人說法是時池中有一蛤聞佛說法
聲歡喜即從池出入草根下是時有一牧牛
人見大衆圍遶聽佛說法即往到佛所欲聞
法故以杖刺地伯誤著蛤頭蛤即命終生忉利
天爲忉利天王以其福報故宮殿縱廣正十
二由旬於是蛤天人霍然而悟見諸妓女娛
樂音聲悟已尋即思惟我先爲畜生何因緣
故生此天宮即以天眼觀先於池邊聽佛說
法以此功德得此果報蛤天人即乘宮殿往

至佛所頭頂禮足佛知故問汝是何人忽禮
我足神通光明相好無比照徹此間蛤天人
以偈而荅

往昔為蛤身

於水中覓食

聞佛說法聲

出至草根下

有一牧牛人

持杖來聽法

杖鑿刺我頭

命終生天上

佛以蛤天人所說偈為四眾說法是時眾中
八万四千人皆得道跡蛤天人得須陀洹果
於是蛤天人得道果已歡喜含笑而去故稱
為天人師佛婆伽婆者佛者名自覺亦能覺
他是名為佛又言知何謂為知知諦故故名
為佛又言覺悟世間是名為佛於三達智經

自應當知婆伽婆者一義利益二者無上三者恭敬四者尊重何以名恭敬尊重為世間應恭敬尊重世間有四名一者隨二者誌三者因四者号問曰何謂為隨名答曰如世間人喚牛小即犢子次而丁牛大喚老牛此名不定隨時而喚問曰何謂為誌名答曰如人持傘持杖伯即喚罽為有傘人有杖人是為誌名問曰何謂為因答曰譬如貧人因奴得寶故字奴為多寶是為因名婆伽婆者号名何以故非白淨飯王作名非八万眷屬作名非天帝亦非兜率天梵魔此等作名何以故佛語舍利弗我名号者非父母作非八万眷屬作

非天帝非兜率天梵魔天作名次第解脫於
菩提樹下等一切智真實觀見惟婆伽婆是
故佛自作号無敢為佛作名号者何以故佛
自觀身威德智慧故現今衆生知而立名号
婆伽婆者婆伽者遇婆者有也遇有故名婆
伽婆又言貪瞋恚癡顛倒心不著不畏優波
那訶漢言不喜他好嫉妬虚心曲心憂管心
貢高極貢高醉懈怠愛無明惡根不善作垢
不淨不等記思四顛倒流結沒受五支鬪漢言
觸為五蓋念六鬪諍本愛聚衆生煩惱八邪
初也見九愛本十惡法道六十二見百八煩惱渴
疲極万煩惱略說五煩惱聚天人魔梵如此

等衆不能毀壞如來是名婆伽婆又言如來能壞毀欲瞋恚諸愚癡煩惱流惡法等是名婆伽婆又言如來有三十二大人相八十種好相好無比離諸煩惱天人世間恒欲往至若到已佛觀衆生心隨所樂即便爲說是故名婆伽婆世間伽婆有六種一者領二者法三者名四者微妙五者欲六者念問曰何謂爲領荅曰自領心故何謂爲法荅曰如來法身一切具足故何謂爲名荅曰佛名清淨無所不徧故何謂微妙荅曰佛身具足一切微妙觀之無厭故何謂爲欲荅曰佛欲有所至應心即到佛欲自爲又欲爲他故何謂念荅曰

一切衆生皆以念心供養故故名婆伽婆又
言婆伽婆者分別義問曰何謂分別答曰功
德爲初分別諸法五陰十二入十八界四諦
六識十二因緣一一分別關知苦諦逼迫不
定是爲苦諦者不捨聚是爲集諦滅苦受是
爲滅諦因緣得出是名道諦如是分別故故

論

四卷

十一

牛志

名婆伽婆又婆伽婆者婆伽者三界婆伽者吐
吐三界煩惱故名婆伽婆世間有天人梵魔
沙門婆羅門是名世間天人者六欲天人魔
者六天梵者富樓天沙門婆羅門者佛法怨
家又天人者世間諸王亦入天人又天人者
含取欲界天人魔者含取天魔界梵者無色

梵天界沙門婆羅門者含取世間四部衆故
所以介者收取上下悉入如是功德悉能通
達如此諸處自以知說法者自用方便而知
故名自知者自用慧眼而知是名爲知又言
知者知無障礙故名知說者覺今知是名爲
說又言開一切法故名說問曰佛何以爲衆
生說答曰於一切衆生生大慈悲故度無上
安樂爲衆生說法或一句或一偈或多或少
是名爲說初善中善後善其義巧妙純一無
雜一切具足皆是一味復言初品者初善中
品者中善後品者後善又言戒者初善三昧
得道者中善涅槃者後善又言戒者三昧初

善禪定與道者中善果與涅槃者後善佛者
善覺名為初善法者善法名為中善僧者善
隨名為後善問曰何以眾僧名為後善答曰
若聞已不動不搖得聖利故是名後善佛善
提者名為初善辟支善提者名為中善聲聞
善提者名為後善初說者聞已即離五蓋於
一切諸善是名初善聞已而隨名為中善隨
已漸漸得道是名後善如是如來或多或少
而為說法於多少中亦有初中後善善義善
文字何以故如來說法梵行法梵行道以種
種方便開視今知此說有義是名義善文言
善義者句亦言開示亦言分別亦言不覆藏

伯

四卷

十三

善

連句相續不斷是名善義善字者能持深義
指示深義是名善字法辯義辯辭樂說辯
惟聰明人能知此理非愚夫能解其義深遠
惟智者能別是名善字美滿具足者義既美
滿具足者義既美滿不假畢足故名具足
開視梵行問曰何謂爲梵行答曰梵天人所
行此法故名梵行何以故開視梵行初善有
因緣故中善義不顛倒後善聞者歡喜而隨
是名開視梵行問曰何以名美滿答曰戒爲
初五法聚是名爲美滿義之不雜是故名淨
如來爲衆生說法不貪供養是名淨梵行者
佛辟支佛聲聞所行者是名梵行善哉如是

行相可往問訊問曰何謂爲善哉荅曰辨衆
万善故名善哉亦言辨安樂故是名善哉如
是者以足句行相者行者所行過人相者相
貌具足可往問訊者可往觀佛問曰何謂爲
觀以兩眼視謂之爲觀於是毗蘭若婆羅門
作是思惟已往到佛所共相勞問婆羅門問
佛四大堪忍不聲問弟子少病少惱四大輕
利不安樂住不是名勞問身與婆羅門共相
問荅義味次第心中歡喜憶持不忘問訊已
却坐一面却者猶如曰轉坐者身體布地一
面者在於一邊智慧之人往到宿德所坐避
六法然後可坐何謂六法一者極遠二者極

近三者上風四者高處五者當眼前六者在
後問曰遠坐何過荅曰若欲共語言聲不及
太近何過荅曰觸忤宿德上風何過荅曰身
氣臭故高處何過不恭敬故當前何過視瞻
難故後坐何過荅曰宿德共語迴顧難故婆
羅門離此六法而坐是故律中說却坐一面
沙門者伏煩惱伯又言却煩惱四卷又言息心婆羅古
門者世間真婆羅門父母不雜長者身體長
大亦年紀長大又言有威德是名長大財富
者亦名長大老者頭髮墮落又言生又子孫
展轉相生是名老朽邁者皮膚焦皺言語錯
謬是名朽邁年過者生來已經二三王代職

猶故生存是名年過延壽者年過百歲是名
延壽至年者是最後年是名至年咄瞿曇沙
門何以作此是婆羅門語婆羅門到佛所見
佛不起不爲作禮不施牀座故作此言如我
所聞正見於如來欲自稱身而不餘人佛以
慈悲心而答婆羅門我不見佛於林中生時
墮地向北行七步自觀百億万天人梵魔沙
門婆羅門無堪受我禮者觀看已而自唱言
天上天下惟我爲尊梵天聞菩薩唱已即叉
手而言菩薩三界獨尊無有過者菩薩聞已
作師子吼惟我獨尊佛語婆羅門尔時我未
得道時三界已自獨尊何況於今衆善功德

拜我為佛云何為汝作禮耶若人為我禮者
頭即墮地是故汝勿於佛處希望禮拜是婆
羅門童蒙無知向佛而作是語婆羅門言若
如是者色無味何以故有色而已實無味佛
欲調伏婆羅門故荅言汝言無味實無味何
以故如世間人色聲香味觸以此為味如來
於此已斷譬如斷多羅樹伯永不復生婆羅門四卷
言若如是者便為貢高佛荅曰因汝語故即
有貢高何謂我貢高過去三世諸佛不為世
人作禮我種如是是故貢高婆羅門言若如
此者便無所作佛荅言如汝所語我實不作
何謂不作我不作偷盜妄語欺誑姪欲諸惡

業等身口意業我悉不為故名不作婆羅門
言此人便自斷其種耶佛荅言實尔何以故
三界中一切種種諸煩惱我皆以斷故名斷
種婆羅門因然不知以何荅更改語此人可
薄不淨佛荅曰如我意者實有不淨有人縱
心口為惡者此是可薄不淨婆羅門便恚言
此人亦聞我語隨事而滅之佛又荅曰三界
諸煩惱中我實已滅婆羅門又言此人可念
不堪共語佛荅曰實有如此我亦又念諸愚
癡人甚可憐愍恒為惡業不念修善婆羅門
便生瞋恚罵言此人當是日夜不眠思求文
章窮世間人佛荅曰實有如此何以故我不

入胎眠故亦不入天上眠故故名不眠於是
婆羅門以八事譏佛已如來法王以憐愍心
故視婆羅門眼欲令服甘露法味而為說法
是時婆羅門心中清淨譬如虛空無諸雲翳
亦如日月照諸闇冥如來以種種方便教化
令知如來自稱我已得無上智慧常住涅槃
向婆羅門言汝老死至近來到我所於汝實
有所獲何以故譬如雞卵或八或十或十二
問曰何以三種分別數答曰此是足句亦令
文字美滿雞母復殼隨時迴轉復者以兩翅
覆至欲生時眼見光明以紫啄殼出已鼓翅
鳴喚前出為大後出為小婆羅門答前者為

大佛言我亦如是何以故無明殼裏覆障三
界我以智慧紫喙無明殼前出三界此誰大
誰小荅言瞿曇即大餘後句無義自當知世
間中一一者無二三藐三菩提者無上菩提
問曰何謂為無上菩提荅曰若人在須陁洹
道問須陁洹果即為說之乃至在阿羅漢道
問阿羅漢果即為說之如聲聞辟支佛佛道
隨問而荅故名無上菩提是故我最大雞母
復殼隨時迴轉佛在菩提樹下觀四諦法苦
空無常佛語婆羅門我正勤精進而得無上
最大非懈怠放逸心我以勇猛正勤精進於
菩提樹下以四精進何謂為四一者正二者

不急三者不寬四者不置以法而得無上道
不柔者不住起心者於所觀處行不退者不
疲勞三昧心者一心又言善置心爲三昧故
即成一心不過不逸此是初善法以此法故
得初禪定從初禪定次第至三達智爲極佛
爲欲出無上法故律中說佛言婆羅門我於
欲中清淨惡亦清淨問曰何謂爲欲荅曰貪
欲欲欲貪欲欲思欲此是欲名何謂諸惡法
者荅曰欲狐疑此是名惡法如來於此二處
而得寂靜又問曰何謂欲中清淨荅曰離欲
亦言棄欲何以故初入第一禪定者無明是
欲償欲是禪定怨家已棄欲故而得禪定是

謂為怨家欲與惡離者禪定而來欲惡滅已
禪定即起如是二句義自當知又有三靜身
靜心靜覆靜是為三靜此三靜者亦入前二
句靜問曰何謂為欲荅曰欲有二一者處欲
二者煩惱欲問曰何謂處欲何謂煩惱欲荅
曰處欲者心著色處煩惱欲者令人至欲所
此後二句者正著所解前句者為棄樂欲後
句者從煩惱出如是欲處煩惱欲於其中
心極清淨又言前句除欲處後句者除煩惱
欲前句者除因緣動搖後句者除癡相前句
者著淨後句止欲如是次第自當知之問曰
貪欲者貪即是欲貪別欲別荅曰歸一何以

伯

四卷

十七

讀

故一切諸惡法理歸一然分別各異又律中
說貪者煩惱欲者欲處亦如三昧貪欲怨家
歡喜者是瞋恚怨家思者是睡怨家安樂者
是動疑怨家度量者是狐疑怨家亦如初禪
者貪欲怨家貪欲者含入五蓋諸惡法者含
取諸蓋何謂爲諸蓋荅曰三毒根五欲五塵
耶貪後句者處分別諸塵瞋恚癡流法前句
者欲流欲著欲泉欲受殺心結欲後句者諸流泉
受著前句者諸愛等後句者無明等前句者
貪等八心受後句者四不善心起如是欲中
清淨惡亦清淨念思者何謂爲念荅曰動轉
何以動轉於觀處初置心是名念問曰何謂

為思荅曰諸禪人以心置觀處中心徘徊觀處又言思者研心著心連心譬如鍾聲初大後微初大聲者如念後微者如思如鳥翔初動後定動者如念定者如思如蜂採華初至如念後選擇如思初禪有五支何謂為五支一者念二者思三者喜四者樂五者定是為五支猶如大樹有華有實亦如初禪有念有思從靜起問曰何謂為靜荅曰離五蓋是為靜喜樂者喜者滿何謂為滿身心喜滿怡悅邊味是喜樂者棄除二苦身苦心苦是名為樂樂者著其想味又問曰何謂為喜荅曰心肥壯其想希好是名為喜樂者得而受之又

言兩法不得相離若有喜者則有樂樂則有
喜喜者含入行陰樂者含入受陰如人涉道
渴乏無水聞有水處即發喜心是名為喜到
已飲水洒浴是名為樂初禪定者初者第一
禪定者善燒亦言禪師所觀法何謂為善燒
荅曰極能燒覆蓋又言斷煩惱亦言見何謂
伯為見荅曰觀見法相接取威儀八三昧法何
四卷
十八以故迦師那阿攬摩那
漢言三十相觀迦師那
八禪定
阿攬摩那故名為禪定此是見道果何以故
為觀相故何謂為觀相觀無常故以觀故成
道以果觀滅諦是故名禪定為觀相律中所
說問曰何謂為初禪荅曰有念有思有喜有

樂有定是名初禪如人有物如人有眷屬置
物已置眷屬已有餘名無荅曰無餘名禪定
亦如是置念置思置喜置樂置定更無餘名
即是禪定譬如軍陣有人兵象馬攻具名之
為軍人兵象馬攻具散去即無軍名禪亦如
是置上句五法即無禪定名入者至亦言成
就住者於菩提樹下以禪定而住佛於菩提
樹下坐觀何等觀出息入息問曰有餘禪無
荅曰亦有法師曰禪定法於靜道經中我若
廣說其義深遠則為紛紜於阿毗曇毗婆沙
汝自當知今所說者正論毗尼毗婆沙餘者
稍略說是禪定第一品

念思滅者念思此二法過入第二禪定第二
禪起此二法即滅何以故為過二大支故名
為第二禪定又言第二禪定中無初禪定法
有餘法初禪定中觸法為初此中二大支已
過即得第二禪定法是故律中說念思滅入
第二禪定內法者現問曰何謂為現答曰現
伯者從身生清者無垢也禪亦名清何以故如
四卷青衣因有青色故名青衣禪亦如是因有清
十九法故謂之清禪問曰何以名定清答曰念思
是動之根也念思已滅名即清淨一相者一
法起問曰何謂一法起答曰為不願念思故
是名一法相亦言無上又言一相者念思已

離亦言無雙是名一相問曰一法相者何以
名爲一法相荅曰三昧是也問曰何謂爲三
昧荅曰一心無二亦言定亦言不動是故第
二禪一相何以故爲名故問曰何謂爲名非
我亦非生氣是名名也問曰初禪無清耶荅
曰有若尔者初禪亦名一相何以止名第二
禪名一相荅曰念思動水動浪起不見面像
亦如第一禪有念思心不清故是名非一相
何以故三昧不明故問曰第二禪三昧何以
獨明了荅曰爲心淨故從三昧生喜樂者此
是從初禪定三昧生喜樂也此是第二禪定
第三者數也如初禪定有五支第二禪定有

四支何謂爲四一者清二者喜三者樂四者
一心若廣說有四略說有三如經文所說何
時三支起喜樂一心耶法師曰我今證一句
餘自當知此是第二禪定品竟離喜者問曰
何謂爲離喜荅曰薄喜亦言過喜亦言減喜
是時念思滅已喜又更起問曰第二禪中以
論念思滅已喜何故更重而說耶荅曰欲讚
第三禪故所以說之何以故譬如第三道邪
見不滅於初須陁洹道以滅今於第三道中
又說何爲爲讚第三道故此中亦復如是捨
而住者何謂爲捨荅曰捨者是平等見不偏
見不黨見恒大捷捨是第三禪又曰捨有十

種問曰何謂爲十一者波浪求捨二者梵魔
求捨三者菩提等捨四者毗梨求捨五者行
求捨六者觸求捨七者觀求捨八者末闍求
捨九者智求捨十者清淨求捨也此十種捨
善處處他人心觀因一相以略說故於沙利
耶中曇摩僧伽訶尼耶中淨道道中三處中
已廣說作自當知我若於此毗尼中廣說者即
爲亂多問曰十捨者取何捨耶答曰取末闍
求捨問曰何謂末闍求捨答曰不知他事因
喜而生問曰初禪第二禪此二處無末闍求
捨耶正三禪有也答曰初與第二禪亦有然
猶微不現何以故念思喜蔽故第三禪中念

思喜已離故得現耳正思知者問曰何謂爲
思荅曰心多生想故謂之思也知者問曰何
謂爲知荅曰洞達知也問曰何謂爲正思荅
曰正思者不忘亦言識又言起相知者問曰
何謂爲知荅曰釋也亦言聚又言廣此略說
未闡中自當知之問曰初禪定無思知荅曰
有何以故若無思知者從何往者初法也問
曰初禪中何不現思知也荅曰猶大鈍故譬
如磨刀初鈍後利思知亦復如是初觀禪中
猶大鈍是故不現亦如人搆乳駘犢不遠時
時復來亦如第三禪定樂離喜不遠若無思
知守者即與喜合思知守之數強者即離樂

者無上樂極樂何以故思知守故義文如此
自當知之以身知樂者問曰何謂爲身荅曰
名色身以名色身故知樂何以故樂與名色
身合兩理相合極爲美味以知以美味相著
故知起覺之是故以身知樂者善人言捨有
思住樂問曰何謂爲善人言荅曰佛辟支佛
聲聞爲第三禪人說第三禪因緣是名善人
言何謂爲言荅曰開視爲說爲分別亦言讚
歎問曰何謂捨思住樂荅曰爲欲入第三禪
定故去何入爲極樂故以極樂美滿故於第
三禪定而捨之令喜止不起是名有思何以
故爲善人所念所入樂樂純無雜是善人所

讚歎是義本說捨思任樂善人讚歎如是人
第三禪者如入第一第二第三禪亦如是所
異者第一有五支第二有四支第三有二支
如經本所說問曰何時二支出於第三禪定
中答曰樂一心此第三禪品竟

善見毗婆沙律卷第四

伯

負責

作下正債

輻

音福

朝

音同

穀

音谷

胖脹

上隆

非

下知

向

作

反鈍

徒困反

懽悵

上呂孔反

杖捶

下委反

軻

苦

何

掘

求勿反

牧

音目

估客

上音古

蛤

古合反

霍

尼郭反

鑿

剌

上助下七亦反

志

音志

犢

音讀

菴

音著

修

二同下正

音

臺

伯字音

二

正作賈

二同

音

瞽 其 上 都 鄧 反 音 蒙 下 弊 子 兩 勞 問 上 卽 忤 音 邁 其

反 膚 去 音 鄧 反 側 瘦 反 苗 幼 醫 一 計 復 殼 上 音 伏

反 紫 卩 啄 上 子 委 反 鳥 鶉 下 正 作 搆 乳 上 正 作 候

反 下 音 琢 反 下 音 翔 反 殼 上 正 作 士 候

廿止



